

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA

Broj: T04 0 KT 0070750 26
Zenica, 16.09.2026. godine

**OPĆINSKOM SUDU U ZENICI
ZENICA**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

1. K. K., neosuđivan,
2. Š.A., neosuđivan,
3. B. T., neosuđivan,

što su:

K. K. i Š.A.

1. Dana 01.08.2026. godine, u ulici ..., grad Z., na stadionu ... gdje se odigravala nogometna utakmica, silom pokušali spriječiti službene osobe u vršenju službene radnje-policijske službenike ... P. F., B.A., Č. E. i S. E., tako što su postupili suprotno Zakonu o bezbjednosti održavanja sportskih takmičenja u ZDK na način da su unijeli pive u stadion, zbog čega su navedeni policijski službenici poduzeli službene radnje i izdali jasnu i glasnu naredbu da izađu sa tribina i da iznesu limenke pive van stadiona, što su odbili, nakon čega su policijski službenici B. A. i Č. E. prišli i preduzeli službenu radnju lišavanja slobode K. K., pri čemu je Š. A. u namjeri da iste spriječi prišao policijskim službenicima i odgurivao ih u namjeri da spriječi lišenje slobode K. K., koji je postupao protivno službenoj naredbi policijskog službenika P. F. koji im je izdao jasnu i glasnu naredbu da prestanu sa sprečavanjem, na koju su se oglašili odgurujući policijske službenike, te kada je prišao policijski službenik S.E., Š.A. mu je zadao udarac nogom u predjelu desne potkoljenice, nanijevši mu lake tjelesne povrede u vidu ogrebotine desne potkoljenice i koljena, nakon čega je upotrebom fizičke snage-poluge stavljen pod kontrolu i lišen slobode, kao i K. K. koji se oglašio o naredbu policijskog službenika B. A. koji mu je ponovo izdao naredbu da se zaustavi, na što se K. obratio policijskim službenicima riječima „J**** ću vam mamu“ pri čemu je pružao aktivan fizički otpor policijskim službenicima B. A. i Č. E., odgurivanjem i više puta pokušajem zadavanja

udarca policijskom službeniku B. A., usljed čega je A. više puta udario u zaštitnu ogradu lijevom stranom tijela i zadobio lake tjelesne povrede u vidu nagnječenja i ogrebotine lijeve nadlaktice, svjesni i znajući da sprečavajući službena lica u vršenju službene radnje lišavanje slobode i da zadavanjem udaraca i odgurivanjem mogu tjelesno ozlijediti službena lica, što su sve i htjeli, nakon čega su lišeni slobode i privedeni u policijsku stanicu,

dakle, silom pokušali spriječiti službene osobe u vršenju službene radnje pri čemu su službenim osobama nanesene tjelesne povrede,

B.T.

2. Dana 01.08.2026. godine, u ulici ..., grad Z., na stadionu ... gdje se odigravala nogometna utakmica, napao službenu osobu koja vrši poslove javne sigurnosti, policijskog službenika H. E. tako što je, s namjerom da ga pogodi, bacio plastično sjedište prema E. i pogodio ga u predjelu desne podlaktice, nanijevši mu laku tjelesnu povredu u vidu nagnječenja desne podlaktice, svjestan i znajući da bacanjem plastičnog sjedišta napada policijskog službenika i da ga na taj način može povrijediti, što je i htio,

dakle, napao službenu osobu u vršenju službene radnje pri čemu je službena osoba tjelesno povrijeđena,

čime su počinili:

-pod tačkom 1. K. K. i Š.A. krivično djelo Sprečavanje službene osobe u vršenju službene radnje u pokušaju iz člana 358. stav 3. u vezi sa stavom 1. KZ F BiH u vezi sa članom 28. i članom 31. KZ F BiH,

-pod tačkom 2. B. T. krivično djelo Napad na službenu osobu u vršenju poslova sigurnosti iz člana 359. stav 2. u vezi sa stavom 1. KZ F BiH.